



SOLICITUDE DE ADMISIÓN (PREINSCRIPCIÓN) EN TITULACIÓNS CON LÍMITE DE PRAZAS EXISTENTES NAS UNIVERSIDADES DO SISTEMA UNIVERSITARIO DE GALICIA PARA O CURSO 2017/18. (CONVOCATORIA DE SETEMBRO 2017)

A RESOLUCIÓN conxunta do 21 de febreiro de 2017 (DOG nº 60 do 27 de marzo), da Secretaría Xeral de Universidades e da Dirección Xeral de Educación, Formación Profesional e Innovación Educativa, pola que se ditan instrucións para a realización, dentro do curso 2016/17, da avaliación de bacharelato para o acceso á universidade (ABAU) para o curso 2017/18 establece que en Galicia as ditas probas estarán reguladas, de forma supletoria, e no que resulte compatible co novo marco normativo, pola Orde do 24 de marzo de 2011 (DOG nº 66 do 4 de abril) pola que se regulan as probas de acceso ás ensinanzas universitarias oficiais de grao e o proceso de admisión ás tres universidades do Sistema Universitario de Galicia (SUG).

O artigo 11 da Lei 6/2013, do 13 de xuño (DOG nº 125, de 3 de xullo) do Sistema Universitario de Galicia (SUG), establece no seu punto 1 que para os efectos do ingreso nos centros universitarios, as universidades públicas integrantes do SUG constitúense nun distrito único para os estudos de Grao e Máster.

A Comisión Interuniversitaria de Galicia (CiUG), en virtude das competencias que ten atribuídas consonte ao Convenio asinado polos reitores das universidades públicas do SUG en presenza do conselleiro de Educación e Ordenación Universitaria con data 12 de marzo de 2001 e consonte ao previsto na *Orde do 24 de marzo de 2011, (DOG do luns, 4 de abril de 2011)*, pola que se regulan as probas de acceso ás ensinanzas universitarias oficiais de grao e o proceso de admisión ás tres universidades do sistema universitario de Galicia, resolve abrir o prazo de **solicitud de admisión** en titulacións con límite de prazas do Sistema Universitario de Galicia (SUG) para o curso 2017/18, conforme ás seguintes

BASES

Primeira: OBXECTO E ÁMBITO DE APLICACIÓN

O obxecto das presentes Bases é o establecemento das normas e prazos para a xestión do proceso común de admisión ás ensinanzas universitarias oficiais de Grao das universidades públicas do SUG.

O contido das ditas Bases será de aplicación a quen desexe iniciar estudos universitarios oficiais de Grao que se dispensan nas universidades públicas do Sistema Universitario de Galicia, e non pertencen aos colectivos aos que fan referencia os artigos 29 (*Cambio de universidade e/ou estudos universitarios oficiais españois*) e 30 (*Admisión de estudantes con estudos universitarios estranxeiros*) do RD 412/2014, de 6 de xuño, polo que se establece a normativa básica dos procedementos de admisión ás ensinanzas universitarias oficiais de Grao. A súa aplicación afectará, tanto aos centros propios como aos centros adscritos ás universidades públicas do SUG, agás no que afecta a admisión no Grao en Enxeñaría Mecánica dispensado no Centro Universitario de Defensa (Marín) que se rexerá polo Decreto de provisión de prazas das Forzas Armadas.



Segunda: QUEN PODE SOLICITAR

1.- SOLICITUDE ORDINARIA. Poderá solicitar admisión nas titulacións con prazas vacantes para a convocatoria de setembro do Sistema Universitario de Galicia aquelas persoas que estean nalgunha das seguintes situacións:

- 1) Alumnado dos centros de Bacharelato da Comunidade Autónoma de Galicia e de fóra de Galicia coa ABAU aprobada en convocatorias anteriores que non fixese solicitude de admisión na convocatoria de xuño do presente ano.

Alumnado dos centros de Bacharelato da Comunidade Autónoma de Galicia e de fóra de Galicia que aprobe a ABAU na convocatoria extraordinaria de setembro de 2017, presente ou non reclamación ás cualificacións da ABAU.

Amais do alumnado de Bacharelato indicado, tamén poderán solicitar no prazo de Solicitude Ordinaria:

- a. Alumnado en posesión do título de Bacharelato do sistema educativo español obtido no curso 2015/16 que non accedese á universidade (*Disposición transitoria única* da Orde ECD/1491/2016 de 22 de decembro).
- b. Alumnado ao que fai referencia a *Disposición transitoria única* da Orde ECD/1491/2016 de 22 de decembro, que tendo cursado con anterioridade 2º de Bacharelato fose proposto para o título este curso 2016/17.

- 2) Titulados/as de Formación Profesional de centros da Comunidade Autónoma de Galicia e de fóra de Galicia que non fixesen a solicitude de admisión na convocatoria de xuño do presente ano.

Titulados/as de Formación Profesional de centros da Comunidade Autónoma de Galicia e de fóra de Galicia que se presentasen á Parte Voluntaria da ABAU na convocatoria extraordinaria de setembro do presente ano, presenten ou non reclamación ás cualificacións da ABAU.

- 3) Alumnado en posesión do título de Bacharelato Europeo en virtude das disposicións contidas no Convenio polo que se establece o estatuto das Escolas Europeas, feito en Luxemburgo o 21 de xuño de 1994 e o alumnado que obtivera o Diploma do Bacharelato Internacional, expedido pola Organización do Bacharelato Internacional, con sede en Xenebra (Suíza), que non fixese a solicitude de admisión na convocatoria de xuño do presente ano.
- 4) Alumnado de países membros da Unión Europea ou de estados cos que se teñan subscrito acordos internacionais aplicables ao respecto, que cumpran os requisitos académicos esixidos nos seus sistemas educativos de orixe para acceder ás súas universidades mediante Credencial da UNED, que non fixese a solicitude de admisión na convocatoria de xuño do presente ano.
- 5) Alumnado en posesión de títulos, diplomas ou estudos homologados ao título de Bacharel do Sistema Educativo Español, obtidos ou realizados en sistemas educativos de Estados que non sexan membros da Unión Europea cos que non se subscribiron acordos internacionais para o



recoñecemento do título de Bacharel en réxime de reciprocidade, que cumpran os requisitos académicos esixidos nos seus sistemas educativos de orixe para acceder ás súas universidades e non fixese solicitude de admisión na convocatoria de xuño do presente ano.

- 6) Alumnado en posesión de títulos, diplomas ou estudos de Bacharelato ou Bacharel procedentes de sistemas educativos de Estados membros da Unión Europea ou doutros Estados cos que se subscribiran acordos internacionais aplicables a este respecto, en réxime de reciprocidade, **que non cumpra os requisitos académicos esixidos nos seus sistemas educativos para acceder ás súas Universidades** e non fixese a solicitude de admisión na convocatoria de xuño do presente ano.
- 7) Alumnado en posesión de títulos, diplomas ou estudos homologados ao título de Bacharel do Sistema Educativo Español, obtidos ou realizados en sistemas educativos de Estados que non sexan membros da Unión Europea cos que non se subscribiron acordos internacionais para o recoñecemento do título de Bacharel en réxime de reciprocidade, **que non cumpra os requisitos académicos esixidos nos seus sistemas educativos para acceder ás súas Universidades** e non fixese a solicitude de admisión na convocatoria de xuño do presente ano.

Nota: o alumnado sinalado nas aliñas 6 e 7 que non se presentase a algunha proba de acceso ao sistema universitario español (PCE-UNED ou ABAU) só será admitido naquelas titulacións do sistema universitario de Galicia nas que non se produza un procedemento de concorrencia competitiva, é dicir, que haxa menos solicitudes que prazas ofertadas.

2.- SOLICITUDE EXTRAORDINARIA. Poderá solicitar admisión nas titulacións con prazas vacantes para a convocatoria de setembro do Sistema Universitario de Galicia aquelas persoas que aproben a ABAU despois da resolución das reclamacións ás cualificacións da ABAU ou da resolución da segunda revisión das cualificacións.

Terceira: PRAZO DE SOLICITUDE, LUGAR E HORARIO

1.- SOLICITUDE ORDINARIA: do 25 de setembro ata as 14:00 horas do día 29 do mesmo mes.

2.- SOLICITUDE EXTRAORDINARIA: día 5 de outubro, ata as 14:00 horas do día 5.

Lugar e horario: Os estudantes realizarán os trámites administrativos do acceso a ensinanza universitaria do SUG **preferentemente** a través da **aplicación informática NERTA** (www.edu.xunta.es/nerta/alumnado), aberta ata as 14:00 horas do día 28 de setembro ou do día 5 de outubro (segundo corresponda), ou nun dos LERD (<http://www.ciug.gal/lerds.php>), en horario de oficina.

Cuarta: DOCUMENTACIÓN

Os estudantes dos centros de Bacharelato da Comunidade Autónoma de Galicia que teñen os seus datos académicos informatizados na aplicación NERTA non teñen que presentar ningunha documentación.



1.- Comúns para todos/as solicitantes:

- Fotocopia do DNI, NIE ou Pasaporte (no caso de estranxeiros/as).
- Solicitud de admisión debidamente cuberta.

2.- Específicos para:

a) Alumnado do SUG e de Distritos Universitarios de fóra de Galicia coa ABAU ou proba de acceso á universidade equivalente aprobada:

- Fotocopia debidamente cotexada da Tarxeta de Cualificación da ABAU ou proba equivalente ou copia da Tarxeta de Cualificación da ABAU ou proba equivalente co código seguro de verificación (csv).
- O Alumnado con Probas de Madurez ou con Exame de Estado presentará certificación das súas notas do Bacharelato e das correspondentes á Proba de Acceso á Universidade.
- De ser o caso, documento acreditativo das cualificacións das materias da fase específica da PAU-2016 ou da Parte Voluntaria da ABAU-2017.

b) Alumnado en posesión do título de Bacharelato do sistema educativo español ao que fai referencia a *Disposición transitoria única* da Orde ECD/1491/2016 de 22 de decembro [véxanse aliñas a. e b. do apartado 1) de Solicitud Ordinaria]:

- Certificación das súas notas de Bacharelato.
- Acreditación de ter aboadas as taxas para a expedición do título de Bacharelato.
- De ser o caso, documento acreditativo das cualificacións das materias da Fase Específica da PAU-2016 ou da Parte Voluntaria da ABAU-2017.

c) Titulados/as de Formación Profesional, agás aqueles que se presenten á Parte Voluntaria da ABAU na convocatoria ordinaria de 2017:

- Certificación expedida polo centro das cualificacións obtidas nos respectivos estudos.
Nota: No caso de alumnado non pertencente ao SUG, na certificación deberán constar as cualificacións obtidas nos Módulos.
- Acreditación de ter aboadas as taxas para a expedición do título.
- De ser o caso, documento acreditativo das cualificacións das materias da Fase Específica da PAU-2016 ou da Parte Voluntaria da ABAU-2017.

d) Alumnado en posesión do título de Bacharelato Europeo en virtude das disposicións contidas no Convenio polo que se establece o estatuto das Escolas Europeas, feito en Luxemburgo o 21 de xuño de 1994 e o alumnado que obtivera o Diploma do Bacharelato Internacional, expedido pola Organización do Bacharelato Internacional, con sede en Xenebra (Suíza):

- Credencial expedida pola UNED. (Esta terá validez a efectos de admisión e matrícula durante dous anos desde a data de expedición).
- De ser o caso, documento acreditativo das cualificacións das materias da Fase Específica da PAU-2016 ou da Parte Voluntaria da ABAU-2017.

e) **Alumnado de países membros da Unión Europea ou de estados cos que se teñan subscrito acordos internacionais aplicables ao respecto, que cumpran os requisitos académicos esixidos nos seus sistemas educativos de orixe para acceder ás súas universidades mediante Credencial da UNED e desexen solicitar praza no SUG:**

- Credencial expedida pola UNED. (Esta terá validez a efectos de admisión e matrícula durante dous anos desde a data de expedición).
- De ser o caso, documento acreditativo das cualificacións das materias da Fase Específica da PAU-2016 ou da Parte Voluntaria da ABAU-2017.

f) **Alumnado en posesión de títulos, diplomas ou estudos homologados ao título de Bacharel do Sistema Educativo Español, obtidos ou realizados en sistemas educativos de Estados que non sexan membros da Unión Europea cos que non se subscribiron acordos internacionais para o recoñecemento do título de Bacharel en réxime de reciprocidade e cumpran os requisitos académicos esixidos nos seus sistemas educativos de orixe para acceder ás súas universidades:**

- Credencial de Homologación do título, diploma ou estudo equivalente ao título de Bacharelato ou, no seu defecto, copia da solicitude de homologación (Art. 4 do RD 412/2014).
- De ser o caso, documento acreditativo das cualificacións das materias da Fase Específica da PAU-2016 ou da Parte Voluntaria da ABAU-2017.

Nota: No caso do alumnado que faga a súa solicitude de admisión aportando unicamente copia da solicitude de homologación do título, diploma ou estudo (Art. 4 do RD 412/2014), a súa nota de acceso será un 5.000.

g) **Alumnado en posesión de títulos, diplomas ou estudos de Bacharelato ou Bacharel procedentes de sistemas educativos de Estados membros da Unión Europea ou doutros Estados cos que se subscribiran acordos internacionais aplicables a este respecto, en réxime de reciprocidade, que non cumpran os requisitos académicos esixidos nos seus sistemas educativos para acceder ás súas Universidades e desexen solicitar praza no SUG que se presentase á ABAU para mellorar a súa cualificación, presente ou non reclamación e, mellore ou non a súa cualificación.:**

- Homologación do título, diploma ou estudo equivalente ao título de Bacharelato ou copia da solicitude de homologación (Art. 4 do RD 412/2014).
- De ser o caso, documento acreditativo das cualificacións das materias da Fase Específica da PAU-2016 ou da Parte Voluntaria da ABAU-2017.

Nota: No caso do alumnado que faga a súa solicitude de admisión aportando unicamente copia da solicitude de homologación do título, diploma ou estudo (Art. 4 do RD 412/2014), a súa nota de acceso será un 5.000.

h) **Alumnado en posesión de títulos, diplomas ou estudos homologados ao título de Bacharel do Sistema Educativo Español, obtidos ou realizados en sistemas educativos de Estados que non sexan membros da Unión Europea cos que non se subscribiron acordos internacionais para o recoñecemento do título de Bacharel en réxime de reciprocidade, que non cumpran os requisitos académicos esixidos nos seus sistemas**

educativos para acceder ás súas Universidades e desexen solicitar praza no SUG que se presentase á ABAU para mellorar a súa cualificación, presente ou non reclamación e, mellore ou non a súa cualificación:

- Homologación do título, diploma ou estudo equivalente ao título de Bacharelato ou copia da solicitude de homologación (Art. 4 do RD 412/2014).
- De ser o caso, documento acreditativo das cualificacións das materias da Fase Específica da PAU-2016 ou da Parte Voluntaria da ABAU-2017.

Nota: No caso do alumnado que faga a súa solicitude de admisión aportando unicamente copia da solicitude de homologación do título, diploma ou estudo (Art. 4 do RD 412/2014), a súa nota de acceso será un 5.000.

NOTA IMPORTANTE

Deportistas de Alto Nivel e Alto Rendemento: Amais dos documentos comúns e específicos, o alumnado que desexen acollerse á cota de prazas reservada para este colectivo deberá presentar:

- **Deportistas de Alto Nivel:** *copia da relación de Deportistas de Alto Nivel publicada no BOE na que figure o/a interesado ou –no seu caso- certificado da resolución do Presidente do Consejo Superior de Deportes na que se acredite tal condición.*
- **Deportistas de Alto Rendemento:** *Dado que os Deportistas de Alto Rendemento non figuran en ningunha relación, nin saen publicados no BOE, certificado que acredite a condición de Deportista de Alto Rendemento do Consejo Superior de Deportes ou do organismo competente da Comunidade Autónoma.*
- *No caso dos **Deportistas Galegos de Alto Nivel (DGAN)**, copia da correspondente relación publicada no “Diario Oficial de Galicia” na que figure o/a interesado ou certificado da Consellería da Xunta de Galicia con competencias no tema.*

NIVEL	DEPORTISTAS DE ALTO RENDIMIENTO - DEFINICIÓN	CERTIFICADO
a	Que fosen seleccionados polas diferentes federacións deportivas españolas, para representar a España en competicións oficiais internacionais en categoría absoluta, cando menos un dos dous últimos anos.	CONSEJO SUPERIOR DE DEPORTES
b	Que fosen seleccionados polas diferentes federacións deportivas españolas, para representar a España en competicións oficiais internacionais en categorías de idade inferiores á absoluta, cando menos un dos dous últimos anos.	CONSEJO SUPERIOR DE DEPORTES
c	que sexan deportistas cualificados como de alto rendemento ou equivalente polas comunidades autónomas, de acordo coa súa normativa.	CC.AA.
d	que sigan programas tutelados polas federacións deportivas españolas nos centros de alto rendemento recoñecidos polo Consejo Superior de Deportes	CONSEJO SUPERIOR DE DEPORTES
e	que sigan programas de tecnificación tutelados polas federacións deportivas españolas	CONSEJO SUPERIOR DE DEPORTES
f	que sigan programas tutelados polas comunidades autónomas ou federacións deportivas autonómicas, nos Centros de tecnificación recoñecidos polo Consejo Superior de Deportes	CONSEJO SUPERIOR DE DEPORTES
g	que sigan programas tutelados polas comunidades autónomas ou federacións deportivas autonómicas, nos Centros de tecnificación recoñecidos polo Consejo Superior de Deportes.	CC.AA.



Quinta: REQUISITOS QUE DEBE REUNIR A DOCUMENTACIÓN

1.- PRESENTACIÓN DE DOCUMENTACIÓN:

De conformidade co disposto no *artigo 16.4 da Lei 39/2015, do Procedemento Administrativo Común das Administracións Públicas*, os **documentos que se dirixan a esta Comisión** poderán presentarse nalgún dos seguintes rexistros:

- a) Nos Rexistros xerais das tres universidades do SUG ou nos rexistros auxiliares.
- b) Nos Rexistros oficiais da Administración Xeral do Estado ou das Comunidades Autónomas.
- c) Nos rexistros de entidades que integran a Administración Local, sempre que se asinase o oportuno convenio.
- d) Nas oficinas de correos de España, na forma que regulamentariamente está establecida.
- e) Nas representacións diplomáticas ou oficinas consulares de España no estranxeiro.

2.- COMPULSAS OU COTEXO DE DOCUMENTOS EXPEDIDOS EN ESPAÑA: só serán válidas as compulsas que realicen os seguintes órganos ou unidades administrativas:

- a) Rexistros relacionados no punto anterior.
- b) Unidade administrativa onde se tramita o expediente.
- c) Organismo español que expediu o documento.
- d) Notarios españois.
- e) Representación diplomática española, no caso de que se presente no estranxeiro.

NOTA IMPORTANTE

- **Todas as fotocopias** estarán *compulsadas* ou *cotexadas* por órganos ou unidades administrativas distintas as citadas no anterior apartado, ou deberase *exhibir o orixinal* destas no momento de presentación da solicitude. Este último requisito é obrigado cando se trate de fotocopias do Libro Escolar ou cando nas copias compulsadas non se identifique claramente o organismo/unidade administrativa que expide a compulsas ou o cargo, nome e apelidos de quen as asina.
- **Todos os documentos** deberán *presentarse coa solicitude de admisión* ou, no seu defecto, dentro dos **dez días naturais** seguintes ao peche do prazo de solicitude (**16 de outubro**).
- No caso de que a solicitude de admisión **sexa remitida por correo**, deberá figurar nesta a **data de envío** autenticada polo organismo correspondente.

Sexta: NORMATIVA

Na solicitude de admisión o alumnado poderá indicar, por orde de preferencia, **ata cinco ensinanzas universitarias diferentes**, cun **máximo de dez** peticións no caso de ensinanzas universitarias oficiais de grao dispensada en máis dun centro. O solicitante quedará vinculado pola orde de preferencia que estableza na súa solicitude.

É **fundamental a orde de preferencia**, posto que o alumno/a será admitido nunha única titulación, que será aquela de maior preferencia na que acade a nota do último alumno admitido. As titulacións solicitadas en menor preferencia a aquela na que resulte admitido eliminaranse automaticamente das listas de espera.

É imprescindible indicar correctamente o **código da titulación** (ver **Anexo I**), xa que a asignación de prazas se leva a cabo informaticamente a partir deste número do código que implica o nome da titulación e o campus no que se imparte.



Na **convocatoria de setembro** non se ofertan as titulacións que teñen todas as prazas esgotadas pola matrícula de xullo, ou aquelas nas que a CiUG estimase que existen datos obxectivos que aconsellen esta acción.

Aqueles solicitantes que reúnan os requisitos para solicitar por máis dunha cota poderán facer uso de dita posibilidade.

1.- PRIORIDADE TEMPORAL NA ADXUDICACION

Tendo en conta a orde de prelación na adxudicación de prazas establecido no punto 6 do Capítulo III (*Criterios específicos para a adxudicación de prazas nas universidades públicas do SUG*) do “Acordo das universidades públicas do sistema universitario de Galicia sobre os procedementos de admisión aos estudos universitarios oficiais de grao do SUG para o curso 2017-2018” aprobado polos respectivos Consellos de Goberno das Universidades de Coruña, Santiago de Compostela e Vigo; as solicitudes que estean en igualdade de condicións, ordenaranse en función da notade admisión que corresponda, expresada en tres cifras decimais e arredondada á milésima máis próxima e en caso de equidistancia á superior.

Para o acceso ás titulacións con límite de prazas *non existe unha nota determinada previamente*, senón que esta depende do número de prazas existentes para a titulación, do número de solicitantes e das cualificacións que estes acaden.

Esta “*nota de acceso*” ou “*nota de corte*” correspóndese coa nota do último alumno/a admitido/a en cada titulación.

2.- OFERTA DE PRAZAS E COTAS DE RESERVA POR COLECTIVOS

O total de prazas que para cada ensinanza universitaria oficial de grao rexistrada no Registro de Universidades, Centros y Títulos (RUCT) oferten as universidades do SUG repartiranse entre a **Cota Xeral** e as **Cotas de Reserva** a que se refiren os artigos do 24 ao 28 do Capítulo V do RD 412/2014, de 6 de xuño (BOE nº 138, de 7 de xuño) e o Capítulo III (*Criterios específicos para a adxudicación de prazas nas universidades públicas do SUG*) do “Acordo das universidades públicas do sistema universitario de Galicia sobre os procedementos de admisión aos estudos universitarios oficiais de grao do SUG para o curso 2017-2018” aprobado polos respectivos Consellos de Goberno das Universidades de Coruña, Santiago de Compostela e Vigo.

Na presente convocatoria só se ofertan prazas na Cota Xeral e, no seu caso, na Cota de reserva para Deportistas de Alto Nivel e/ou Alto Rendemento (artigo 27 do RD 412/2014, de 6 de xuño).

a) Cota Xeral:

- As prazas da cota xeral adxudicaranse aos estudantes que reúnan algún dos requisitos establecidos no punto 4 dos principios xerais (*Procedemento de admisión*) do Acordo das universidades públicas dos sistema universitario de Galicia sobre os procedementos de admisión aos estudos universitarios oficiais de grao do SUG, para o curso 2017-2018, atendendo a súa Nota de Admisión.

b) Cotas de Reserva: de ser o caso e segundo o establecido no artigo 27 do RD 412/2014 do 7 de xuño, no proceso de admisión da convocatoria de setembro só se ofertarán prazas na cota de reserva para os Deportistas de alto nivel ou de alto rendemento

- Deportistas de alto nivel ou de alto rendemento: **3 por 100**. Nos graos en Ciencias da Actividade Física e do Deporte e en Fisioterapia terán un **8 por 100**. As prazas reservadas para este colectivo adxudicaranse tendo en consideración os seguintes criterios:

- 1º) Nota de Admisión
- 2º) Deportistas de Alto Nivel (Artigo 2.2. do RD 971/2007, de 13 de xullo).
- 3º) Deportistas de Alto Rendemento (Artigo 2.3. do RD 971/2007, de 13 de xullo).

3.- ADXUDICACIÓN DAS PRAZAS E PROCEDEMENTO DE MATRÍCULA

A CiUG asignará as prazas ofertadas en cada ensinanza universitaria oficial de grao en cada unha das convocatorias e prazos de matrícula que se establezan. A cada estudante asignaráselle a ensinanza universitaria de maior preferencia que lle corresponda en función da cota pola cal se solicita o acceso e tendo en conta, en todo caso, a orde de prelación, os criterios de valoración e a preferencia para a adxudicación de prazas establecidos.

Os solicitantes **convocados** para matricularse **na ensinanza** universitaria oficial de grao **solicitada en primeiro lugar de preferencia, deberán matricularse** no prazo establecido para o efecto; **de non facelo perderán todos seus dereitos de matrícula.** Enténdese por primeira preferencia aquela que o alumnado solicite en primeiro lugar, ou en lugares sucesivos se as ensinanzas universitarias solicitadas por enriba dela esgotaron as súas prazas.

Se o solicitante aparece **convocado/a nunha titulación que non sexa a de primeira preferencia** poderá esperar a matricularse nela (en sucesivas convocatorias) en tanto non se peche a matrícula nas titulacións solicitadas con maior preferencia. No caso de matricularse nela, decae dos seus dereitos de continuar no proceso de ingreso en titulacións con preferencia superior.

Sétima: CONVOCATORIAS E PRAZOS DE MATRÍCULA

PRAZOS DE MATRÍCULA	Prazo	Publicación Listaxes de Convocados	Día	DATAS DE MATRÍCULA	Días			
	1º		11		12	13	14	
	2º		18		19	20	21	XULLO
	3º		26		27	28	31	
	4º		1		4	5	6	
	5º		8		11	12	13	SETEMBRO
	6º		19		20	21	22	
	7º		6		9	10	11	OUTUBRO
	8º		17		18	19	20	

Primeira Convocatoria de matrícula – 7º prazo: do 9 ao 11 de outubro, (ata as 14:00 horas do día 11)

- * Se o solicitante aparece **convocado/a na titulación da súa primeira preferencia, DEBERASE MATRICULAR NO PRAZO ESTABLECIDO, DO CONTRARIO PERDERÁ TODOS OS SEUS DEREITOS.**
- * Se o solicitante aparece **convocado/a nunha titulación que non sexa a de primeira preferencia** poderá esperar a matricularse nela (en sucesivas convocatorias) en tanto non se peche a matrícula nas titulacións solicitadas con maior preferencia. **No caso de matricularse nela decae dos seus dereitos de continuar no proceso de ingreso en titulacións con límite de prazos.**

Segunda convocatoria e derradeira de matrícula – 8º prazo: do 18 ao 20 de outubro, (ata as 14:00 horas do día 20).

Nota: a matrícula deberá realizarse **antes das 14:00 horas do último día de matrícula** sinalado para cada un dos prazos. No caso contrario, e de non existir causa de forza maior debidamente xustificada, o solicitante decaerá no seu dereito.



Oitava.- RECLAMACIÓNS POR SUBSANACIÓN E CORRECCIÓN DE ERROS

Os solicitantes poderán presentar reclamación á súa asignación de prazas no prazo de tres días hábiles seguintes á publicación da listaxe correspondente. A reclamación, dirixida ao presidente da CiUG, deberá presentarse na sede da CiUG ou no LERD no que presentou solicitude de acceso (preinscrición).

O motivo da reclamación deberá ser xustificado polos medios que o reclamante estime oportunos. De non considerala debidamente xustificada, a CiUG poderá solicitar documentación complementaria para a axeitada valoración da mesma.

A resolución da reclamación correspóndelle á CiUG e será asinada polo delegado do reitor da universidade en que se imparta a ensinanza universitaria obxecto da reclamación. A resolución da reclamación ponlle fin á vía administrativa. Con carácter xeral, o resultado comunicaráse ao interesado ou interesada a través das listaxes de asignación de prazas e indicárase, se é o caso, o prazo para matricularse.

Contra a resolución poderá interpoñerse recurso potestativo de reposición no prazo de un mes perante a propia CiUG, que porá fin á vía administrativa. Neste caso non se poderá interpoñer o recurso contencioso-administrativo mentres non recaia resolución expresa ou presunta do recurso potestativo de reposición.

Novena.- RECURSOS

Contra a publicación de cada unha das listaxes de convocados (admitidos), que esgota a vía administrativa, poderá interpoñerse potestativamente recurso de reposición diante o presidente da CiUG no prazo de un mes, segundo establece a Lei 39/2015, de 1 de outubro, ou recurso contencioso-administrativo diante do Xulgado do Contencioso Administrativo, no prazo de dous meses contados desde o día seguinte á publicacións das listaxes. No caso de presentar recurso contencioso-administrativo, a Administración demandada será a universidade responsable da ensinanza universitaria na que o estudante solicita o ingreso. No caso de demanda, a responsabilidade en materia de persoal corresponderá a cada universidade.

Décima.- TITULACIÓNS DO SUG CON LÍMITE DE PRAZAS PARA O CURSO 2017-2018.

Na páxina web da CiUG e no Anexo II dispoñen da relación de titulacións do Sistema Universitario de Galicia (SUG) que ofertan prazas para a convocatoria de setembro do curso 2017-2018, con indicación do código da titulación e do número de prazas existentes en cada unha delas.

Santiago de Compostela, 21 de setembro de 2017

Asdo.: Antón Fernández Álvarez
Presidente da CiUG



**ENCARGADOS/AS. DOS LERD.-
RESPONSABLES DA APLICACIÓN INFORMÁTICA NERTA.-**